

ციცქა ციყვი



კლასი I

საანბანო საკითხავი წიგნი, ასო-ბგერა „ც“

წიგნის გამოყენება რეკომენდებულია ერთობლივი კითხვის, ასევე, წყვილებში კითხვისა და მართული კითხვის აქტივობების ჩასატარებლად.

ავტორთა ჯგუფი: **თათა ჭანტურია, მაია ლორთქიფანიძე, ხათუნა რაზმაძე, მაკა მახარობლიძე, ლელა ქისტაური, ქეთი ფიცხელაური**

მხატვარი: ზურაბ სულაკაური

საქართველოს დაწყებითი განათლების პროექტი (G-PriEd) მადლობას უზდის ლელა ქისტაურს, რეზო გოგიას, ნუგზარ არჩე-მაშვილს და ელისო რეხვიაშვილს, რომლებმაც პაატა პაპავას ხელმძღვანელობით მნიშვნელოვანი წვლილი შეიტანეს ამ წიგნების მომზადებაში. განსაკუთრებული მადლობა ქალბა-ტონ მედეა კაკაჩიას (USAID) განეული დახმარებისთვის.

ამ მასალის მომზადება შესაძლებელი გახდა ამერიკელი ხალხის კეთილი წებითა და აშშ საერთაშორისო განვითარების სააგენტოს მხარდაჭერით. მასალების შინაარსზე პასუხისმგებელია შემდგენელთა ჯგუფი და იგი არ წარმოადგენს აშშ საერთაშორისო განვითარების სააგენტოსა და აშშ მთავრობის აზრს. ეს მასალა მომზადდა აშშ საერთაშორისო განვითარების სააგენტოს დაწყებითი განათლების პროექტის ფარგლებში, რომელიც ხორციელდება საქართველოს განათლებისა და მეცნიერების სამინისტროსთან ერთად.



USAID
FROM THE AMERICAN PEOPLE

G-PRIED

Georgia Primary Education Project
საქართველოს დაწყებითი განათლების არეალი

ციცქნა ციყვი






მაცაცო ციცქნა ციყვია.
ტყეში ცხოვრობს, დიდ ცაცხვზე.



მაცაცო ძალიან ცელქია.
სულ ცაცხვიდან ცაცხვზე დახტის.

ზამთარი დადგა. აცივდა.
ციცვები ციგებით სრიალებენ.





— მეც მინდა სრიალი!
ციგა მაინც მქონდეს ან
ციგურები.

ახალი წელიც მოვიდა.
თოვლის პაპამ მაცაცოს
ციგურები აჩუქა.



მაცაცოს თვალები აუციმციმდა.



მეც მაქვს
ციგურები!



მაცაცო მთელი დღე
ციგურებით სრიალებს.





— მაცაცო, გაცივდები.
თბილად ჩაიცვი! — ეძახის დედა.
— არ მცივა! — იცინის
მაცაცო.

მაცაცო გაცივდა.

ცხვირი გაუწითლდა.

სიცხე აქვს. სულ ცახცახებს.



აცემინებს და აცემინებს:
— ცხიკ, ცხიკ, ცხიკ!



მაცაცოს სხვა ციყვები
ეძახიან:

— მაცაცო, წამოდი.
ციგურები წამოიღე!



— ვერ წამოვალ.
სიცხე მაქვს!
აი, მაცემინებს: ცხიკ,
ცხიკ, ცხიკ!



დედა ციყვმა მაცაცოს
სიცხე გაუზომა.

მერე ცაცხვის ცხელი ჩაი
დაალევინა.



მაცაცოს სიცხე აღარ აქვს.
აღარ აცემინებს.



— თბილად ჩავიცვამ.
აღარ გავცივდები.
მაცაცოს თბილად აცვია
და ციგურებით სრიალებს.

